



Vrsta dok.	Izdavač	RB	Strana
	0103		1 od 3

Broj: 0103-3335-30/17

Datum: 12.02.2018. godine

Na osnovu člana 64. stav 1. tačka a., člana 70. stav 1.,3. i 6. Zakona o javnim nabavkama Bosne i Hercegovine („Službeni glasnik BiH“, broj: 39/14), člana 42. Statuta Kantonalnog javnog preduzeća za gospodarenje državnim šumama „Sarajevo-šume“ d.o.o. Sarajevo, broj: OPU-IP:1002/17 od 12.11.2017. godine i Zapisnika o pregledu i ocjeni ponuda Stalne komisije za javne nabavke u postupku javne nabavke usluga broj: 0103-333510/17 za *LOT 1. Usluge transporta niskonosećom prikolicom* Direktor KJP „Sarajevo-šume“ d.o.o. Sarajevo, donio je

O D L U K U o izboru najpovoljnijeg ponuđača

Član 1.

Prihvata se Zapisnik o pregledu i ocjeni ponuda, broj: 0103-3335-26/17 od 06.02.2018. godine i ugovor za javnu nabavku usluga putem otvorenog postupka, i to:

- **LOT 1. Usluge transporta niskonosećom prikolicom**

dodjeljuje se ponuđaču: **“AME” d.o.o. Breza**, kao ponuđaču koji je u predmetnom postupku javne nabavke usluga *LOT 1. Usluge transporta niskonosećom prikolicom* dostavio ekonomski najpovoljniju ponudu kako slijedi cijena: 17.120,00 KM bez uključenih iznosa pripadajućih indirektnih poreza, odnosno PDV-a, rok plaćanja: 60 dana i rok vršenja usluge 2 dana, a u svemu prema ponudi izabranog ponuđača protokolisanom pod brojem: 0103-3335-10/17 od 25.01.2018. godine.

Član 2.

Prijedlog Ugovora o javnoj nabavci usluga navedenih u članu 1. ove Odluke, dostaviće se na potpis izabranom Ponuđaču, po proteku roka od 15 dana, računajući od dana kada su svi ponuđači obavješteni o izboru najpovoljnijeg ponuđača.

Član 3.

Ova Odluka objaviće se na web-stranici www.sarajevo-sume.ba, istovremeno sa upućivanjem ponuđačima koji su učestvovali u postupku javne nabavke predmetnih usluga, u skladu sa članom 70. stav 6. Zakona o javnim nabavkama BiH („Službeni glasnik BiH“, broj: 39/14).

Član 4.

U skladu sa članom 71. Zakona o javnim nabavkama BiH, ponuđači koji su učestvovali u postupku javne nabavke usluga broj: 0103-3335/17 – *LOT 1. Usluge transporta niskonosećom prikolicom* najkasnije u roku od 7 dana bit će obavješteni o rezultatima postupka, te će se istim uz obavještenje dostaviti i ova Odluka i Zapisnik o pregledu i ocjeni ponuda, broj: 0103-3335-26/17 od 06.02.2018. godine.

Član 5.

Ova Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga putem otvorenog postupka, broj: 0103-3335-4/17 od 13.12.2017. godine pokrenut je postupak javne nabavke usluga za potrebe KJP „Sarajevo-šume“ d.o.o. Sarajevo u 2018. godini putem otvorenog postupka, i to: *LOT 1. Usluge transporta niskonosećom prikolicom*. Ukupno procijenjena vrijednost javne nabavke predmetnih usluga u vrijeme donošenja naprijed navedene Odluke za *LOT 1. Usluge transporta niskonosećom prikolicom* iznosila je 23.000,00 KM bez uključenih iznosa pripadajućih indirektnih poreza, odnosno PDV-a.

U skladu sa članom 9. naprijed navedene Odluke, Služba za marketing i komercijalne poslove sačinila je Tendersku dokumentaciju za javnu nabavku usluga, te objavila obavještenje o javnoj nabavci usluga na Portalu javnih nabavki i „Službenom glasniku BiH“, broj 3 od 12.01.2018. godine.

Postupak javne nabavke predmetnih usluga provela je Stalna komisija za javne nabavke, imenovana Rješenjem Direktora Preduzeća, broj: 0103-26-1/18 od 03.01.2018. godine.

Kantonalno javno preduzeće za gospodarenje državnim šumama
KJP "Sarajevo - šume" d.o.o. Sarajevo



Općinski sud u Sarajevu
Broj : 065-0-REg-13-001306 od 30.04.2013.g.
PDV broj: 200630090001
Žiro račun: 102050000111354 Union bank d.d. Sarajevo

Vrsta dok.	Izdavač	RB	Strana
	0103		2 od 3

Nakon provedenog postupka javne nabavke predmetnih usluga Stalna Komisija za javne nabavke dostavila je Direktor KJP „Sarajevo-šume“ d.o.o. Sarajevo Zapisnik o pregledu i ocjeni ponuda, broj: 0103-3335-26/17 od 06.02.2018. godine i Zapisnik sa otvaranja ponuda LOT 1. Usluge transporta niskonosećom prikolicom broj: 0103-3335-21/18 od 25.01.2018. godine.

Utvrđeno je da je Stalna komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik sa otvaranja ponuda za javnu nabavku usluga, broj: 0103-3335/17- LOT 1. Usluge transporta niskonosećom prikolicom, broj: 0103-3335-21/17 od 25.01.2018. godine i Zapisnik o pregledu i ocjeni ponuda broj: 0103-3335-26/17 od 06.02.2018. godine, te da je uvidom u naprijed navedno utvrđeno sljedeće:

Krajnji rok za dostavljanje ponuda bio je 25.01.2018. godine do 11:00 sati, a javno otvaranje ponuda zakazano je za isti dan, 22.01.2018. godine sa početkom u 12:00 sati za predmetnu javnu nabavku, u Direkciji Preduzeća, ul. Maršala Tita 7/II.

Dana 25.01.2018. godine u 12:00 sati Stalna komisija je pristupila javnom otvaranju ponuda za LOT 1. Usluge transporta niskonosećom prikolicom, te je utvrđeno sljedeće:

- da su do roka utvrđenog zahtjevom za dostavljanje ponuda 2 (dva) ponuđač dostavili svoje ponude, i to:
 1. „AME“ d.o.o. Breza,
 2. „Bucomerc“ d.o.o. Kiseljak.
- da je u postupku provjere kvalifikacija ponuđača utvrđeno da je ukupna cijena ponude ponuđača „Bucomerc“ d.o.o. Kiseljak značajno iznad osiguranih sredstava predmetne nabavke te je ista odbačena a da se ponuđač „AME“ d.o.o. Breza dostavio kvalifikovanu ponudu koja ispunjava minimum zahtjevanih kvalifikacionih uslova utvrđenih u Tenderskoj dokumentaciji, broj: 0202-3335-7/17 od 08.01.2018. godine,
- da su se u skladu sa članom 64. stav (1) tačka a) Zakona o javnim nabavkama BiH stekli uslovi za izbor najpovoljnijeg ponuđača čija ponuda zadovoljava kriterij „ekonomski najpovoljnija ponuda“ sa podkriterijima koji se vrednuju unutar kriterija „ekonomski najpovoljnija ponuda“

U postupku donošenja ove Odluke, posebno su cijenjene činjenice da je Stalna komisija za javne nabavke pravilno i potpuno izvršila ocjenu kvalifikovanosti ponuđača te ocjenu prispjele ponude, u skladu sa kriterijumima iz Tenderske dokumentacije, broj: 0202-3335-7/17.

U postupku ocjene provedenog postupka, Direktor Preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku.

Naime, u postupku je ocijenjeno da je Stalna komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH i Tenderskom dokumentacijom, broj: 0202-3335-7/17.

Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- „najbolje ocijenjene prihvatljive ponude“ koji je kriterij za dodjelu ugovora

Naziv ponuđača		Podkriteriji koji se vrednuju unutar kriterija ekonomski najpovoljnija ponuda
1.	„AME“ d.o.o. Breza	1. Cijena – 17.120,00 KM 2. Rok plaćanja - 60 dana 3. Rok vršenja usluga - 2 dana.

Iz naprijed navedene tabele vidljivo je da je izabrani ponuđač: „AME“ d.o.o. Breza , izabran primjenjujući kriterij najbolje ocijenjene prihvatljive ponude.

Imajući u vidu sve naprijed navedeno, a u skladu sa članom 64. stav 1. tačka a. Zakona o javnim nabavkama i člana 58. i 59. Pravilnika o javnoj nabavci roba, usluga i radova KJP „Sarajevo-šume“ d.o.o. Sarajevo, odlučeno je kao u dispozitivu ove Odluke.

Kantonalno javno preduzeće za gospodarenje državnim šumama
KJP "Sarajevo - šume" d.o.o. Sarajevo



Općinski sud u Sarajevu
Broj : 065-0-REg-13-001306 od 30.04.2013.g.
PDV broj: 200630090001
Žiro račun: 1020500000111354 Union bank d.d. Sarajevo


Vrsta dok.	Izdavač	RB	Strana
	0103		3 od 3

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje ugovornom organu KJP "Sarajevo-šume" d.o.o. Sarajevo u pisanoj formi direktno ili preporučenom poštanskom pošiljkom na adresu ul. Maršala Tita 7/II, Sarajevo.

Žalba se podnosi u dovoljnom broju primjeraka, a koji ne može biti manji od 3 (tri) primjerka.


DIREKTOR
mr. scij Nermin Demirović, dipl. ing. šum.

DOSTAVLJENO:

1. „AME“ d.o.o. Breza, Branilaca grada bb, 71370 Breza,
2. „Bucomerc“ d.o.o. Kiseljak, Brestovsko bb, 71125 Kiseljak,
3. Predsjedavajućem Komisije za javne nabavke,
4. Sekretaru Komisije za javne nabavke,
5. Službi za marketing i komercijalne poslove,
6. Službi za opće, pravne i kadrovske poslove,
7. Arhivi Preduzeća.